



Darréu y Nora Antifa entamen un homenaxe a los mártires de Carbayín.

DARRÉU/NORA ANTIFA :: 17/11/2011

Darréu y Nora Antifa entamen esti prósimu sábadu 19 de payares un homenaxe a los mártires de Carbayín na fosa común del cementeriu de Carbayín Altu, una convocatoria d'homenaxe pero tamién coles mires puestas nel presente y futuru d'Asturies.

La organización de mocedá d'izquierda soberanista Darréu y el coleutivu políticu, social y cultural Nora Antifa organizarán un actu n'homenaxe a los mártires de Carbayín y tolos asturianos y asturianas que nel so tiempu dieron lo meyor d'ellos lluchando contra'l facismu y por una Asturies meyor y más llibre. L'actu ta programáu pa les 13:00 hores del sábadu 19 nel cementeriu de Carbayín actu, y rezará'l llema " El meyor homenaxe seguir cola llucha". Ellí, ente l'espaciu dedicáu a estos heroes del Pueblu Asturianu les organizaciones convocantes dexarán un ramu de lloréu y realizarán un actu d'alcordanza hestórica de calter antifacista, revolucionariu y soberanista.

Per otru llau, nesti actu les organizaciones Darréu y Nora Antifa quieren espeyar la necesidá de seguir faciendo alcordanza y homenaxe a toos y toes aquellos persones que nel so tiempu dieron lo meyor de si mesmes pa ameyorar la situación d'Asturies nel so tiempu y lluchar por un mundiu más xustu ya igualitariu. Tamién trátase de dinificar la memoria coleutiva del Pueblu Trabayador Asturianu y mirar al presente y futuru ensin escaecer el continuismu franquista que supón el constitucionalismu del réximen borbónicu d'anguaño, el cual caltién unes estructures polítiques y económiques venceyaes a una minoría oligárquica y oprime la soberanía de los pueblos.

Poro, dende Darréu y Nora Antifa llamamos a acudir a esti actu pa recordar la nuesa hestoria y garrar puxu de cara a la construcción d'Asturies llibre y socialista, y como non tamién, d'un mundiu onde lo prioritariu seyan les persones, non los intereses del gran capital.

¡Asturies llibre, anticapitalista y antifacista!

www.darreu.org

https://www.lahaine.org/mm_ss_est_esp.php/darreu-y-nora-antifa-entamen-un-homenaxe